

საქ. გეგმისათვის (A)

კვირა 12 ივნისი 1916 წ.

ფასი 12 კაპ.


ბედაქციის ადრესი: თბილისი, თლღას ქუჩა № 6.

# მშენებელი

იუმორისტ.  
ჟურნალი

# პატირახი

№ 24



კ. აფხაზი. გავიწიყვარ გამიშვეს,  
რო შვეჩერდი არ შამიშვეს.



## რ ე დ ა ქ ც ი ი ს ა გ ა ნ .

არავისთვის საექვო საგანს არ შეადგენს, რომ ჩვენს ჟურნალს დღემდე ერთი ფრიალ თვალსაჩინო ნაკლი ასულდგმულვდა.

ეს გახლდათ „მოწინავე“ წერილების უქონლობა.

დღეს დღეობით ძნელი გამოსარკვევია, თუ რით ხელმძღვანელობდა ჩვენი სარედაქციო კოლექტივი, როცა მთელი წლის განმავლობაში გვერდს უვლიდა ამ მწვავე საკითხს. ძნელი გამოსარკვევია, ვინაიდან ეს ტრადიციულათ მომდინარეობს სახუმარო ჟურნალთა დაარსების დღიდან და ამ საშიშარი ომის დროს ეგზომ შორეული წარსულის გაშუქება ფრიალ ძნელი საქმეა. ბ-ნი ეშმაკი, როგორც ცოცხალი მოწამე ამ ისტორიული ხანისა, გამოსთქვამს ასეთ მოსაზრებას:

— ჩემის აზრით მოწინავე ძერილთა განდევნას საფუძვლათ ელო გრძნობა მკითხველთა დაზოგვისა.

დღევანდელ სარედაქციო კოლეგიას პირდაპირ გაუგებრად მიაჩნია ბ-ნი ეშმაკის განცხადება. ვაუგებრად მიაჩნია, ვინაიდან ვერ მოგვიწინავეს საბუთი იმისი, თუ რისთვის უნდა დაზოგოთ ჩვენ ჩვენი მკითხველები. ეს ერთგვარი მეტიჩრობა იქნებოდა ჩვენის მხრით, ვინაიდან ასეთ ქველმოქმედებას არ სჩადის არცერთი ქართული გამოცემა, თუ რასაკვირველია ქართულად არ ჩავსთვლით „ზაკ. რეჩს“, რომელიც რუსული ასოებით იბეჭდება.

ამ სამართლიან მოსაზრებისა და მრავალ ამგვარ განმარტებათა შემდეგ დღევანდელმა სარედაქციო კოლეგიამ ერთხმათ დაადგინა უარპყოს ძველი ფილანტროპიული აზრები და დაუბრუნდეს ნამდვილ ქართულ ცხოვრებას. ამიტომ ნურას უკაცრავათ ჩვენს მკითხველებთან, თუ მომავალი ნომრიდან „ეშმაკის მათრახს“ დაუჩეს **მოწინავე** წერილები ცხოვრების მიერ წამოყენებულ ამა-თუ იმ მწვავე საკითხთა შესახებ.

აქვე ვაცხადებთ, რომ სრულებით საქირო არაა ჩვენი ბოროტ-მოქმედება გაზვიადებულ იქმნას და ამით მკითხველმა საზოგადოებამ გული გაიტეხოს. რედაქცია ყოველგვარ ღონისძიებას იხმარს „მოწინავე“ წერილები რაც შეიძლება იშვიათად გაუშვას და რაიც უფრო საგულისხმებერაა საგრძნობლად შეაკვეცოს ფრთები.

გამხნევლით ბატონებო! გარწმუნებთ, რომ ჩვენ გაცილებით მეტ სახუმარო ელემენტს შევიტანთ ჩვენს **მოწინავე** წერილებში, ვიდრე ამას თვით გაზეუი „ზვირთი“ სჩადის და მით საგრძნობლად შევამსუბუქებთ იმ სატანჯველს, რომელსაც იწვევს საზოგადოთ მოწინავე წერილთა კითხვა.

პატივისცემით „ეშმაკის მათრახის“ რედაქცია.

მწვინახს ბე იფრძეფს თბ



# დამფუძნებელი კრება.

ბატონებო! ეს მეორე დამფუძნებელი კრებაა, რომელსაც ჩემი ხანგრძლივი არსებობის სივრცეზე ვესწრები. ვშიშობ, ნუ თუ დავესწრები მესამესაც?! ვშიშობ, უზომოდ ვშიშობ!

მიკვირს მხოლოდ ერთი გარემოება. 1905 წ. ჩვენს ქვეყანაში დიდი სახალხო მოძრაობა იყო. მე დარწმუნებული ვარ ზოგიერთ თქვენგანს ჯერ კიდევ ეხსოვება ეს ამბავი. და აი, სწორეთ ამ მოძრაობის დროს დიდი და პატარა, ქალი და კაცი, ერი და ბერი, მოყვარე და მტერი ყველა თავგამოდებით მოითხოვდა დამფუძნებელი კრების მოწვევას. ვფიქრობ, ვფიქრობ, რამდენათაც კი შემოიძლია სახალხო სკოლის მასწავლებელს, და მანც ვერ მივმხდარვარ: რისთვის თხოულობდა ხალხი ისე დაჟინებით დამფუძნებელი კრების მოწვევას 1905 წელში?

იძულებული ვარ ამ კითხვის გადაწყვეტაში იმ დასკვნას დავადგე, რომ მან (ხალხმა) არ იცოდა თუ რა არის დამფუძნებელი კრება. ქეშმარიტად არ იცოდა, ან კიუსიდან უნდა სცოდნოდა, როცა 1916 წლის გაზაფხულამდე მას არაფერიც არ დაუფუძნებია. არ დაუფუძნებია იმიტომ, რომ ყველაფერს სასარგებლოს და მშვენიერს თითონ ბ-ნი ბოქაული გვიფუძნებდა ხოლმე.

ღიახ, ხალხმა არ იცოდა რა იყო დამფუძნებელი კრება. დღეს ჩვენ ვიცით და შეგვეძლო აგვეხსნა ხალხისათვის, მაგრამ აქ ერთი გარემოება გველობება წინ. საქმე იმაშია, რომ „ეშმაკის მათრახის“ მორიგი ნომერი, რომელშიაც მსურდა გამეცნო საზოგადოებისათვის ეგ საკითხი და მამასადამე შევხებოდი ზემო აღნიშნულ დამფუძნებელ კრებას, გამოვა პარასკევ საღამოს (ე. ი. კრების დაშლამდე) და მე ვალდებული ვარ დავესწრო შაბათის კრებას.

სიფრთხილეს თავი არ სტკივალ (თუმცა დამფუძნებელ კრებაზე დამხწრეს ვერავითარი სიფრთხილე ვერ დაიფარავს თავის ტკივილისაგან) მეც გადავწყვიტე ჩემი აზრი „დამფუძნებელ კრების“ შესახებ გამოვაქვეყნო მაშინ, როცა თითოეული მასწავლებელი ქალი თავის სოფელში იქნება ხის ქვეშ ჭილობზე წამოწოლილი. როცა ის გადაშლის „ეშმაკის მათრახის“ ფურცლებს და ჩაიკითხავს ჩვენს ანგარიშს აღელდება, მაგრამ ეს მდელვარება, ჩემთვის არავითარი საფრთხე აღარ იქნება.

დიდი-დიდი, მდელვარებაში ჟურნალი დახიოს!

ეშმაკი.

# ყ ვ ა მ ი.

(იკავი)

მტრედის გუნდი გაიშალა საუზმისთვის ერთ მინდორზე. ეს რომ ყვავმა დაინახა, მალლა იჯდა ხის კენწორზე,

მან სთქვა: „ნატვრა ამისრულდა და მადლი შენ, გამჩენო, რომ შემთხვევა მეძლევა დღეს ეს კრება დავამშვენო.

თუმც არ მომწონს სუსტი მტრედი, უშნო რაღაც, ულამაზო, და მათ შორის რომ დავდგები, ისე უნდა გავინახო,

რომ იმ კრების სასახელო და ძვირფასი გავხდე თვალი, მიხვრა-მოხვრის შნო, ლაზათი და სიტურფის დედოფალი.

ესა სთქვა და ხის კენწორით ჩამოემვა ზღაზვნით. ნელა, და სადაც ის ჩაებერტყა, ის ადგილი დააბნელა...

გაიარ-გამოიარა, მოიღერა ეშმით ყელი, ვათომც იყოს დიდი რამე თვალი ქვეყნის სანატრელი! სწორეთ ამ დროს, შავარდენი წამოვიდა კიდან სწრაფად და დააცხრა მტრედის გროვას მსხვერპლის შვაზე გასაკაფად!

მაგრამ დახეთ მტაცებლის ბედს! მტრედმა ყველამ თავს უშველა და ყვავს, მოსულს სამეტიჩროდ, თავს დაატყდა ხათაბელა!

ელვათ ქცეულ შავარდენმა თავი ველარ შეიკავა, ბრჭყალ ნისკარტი ჩასცხო ყვავსა და იქავე გაათავა...

ბევრი არის ჩვენშიც ყვავი, მტრედებში რომ ეხირება და მეტიჩრულთვის განზრახვებს სასაცილოდ ეწირება!..

ონისიმე.





## მესტერიული

(ს. ოქროსქელისათვის)

მოვანხე სტვირი, მოვანხე  
გუდაც, კუთხეში გდებული,  
რომ მოვიარო სოფელი,  
ყოველი კუთხე ქებული.  
და, ჰა მივიდირარ სამღერათ  
მისმენდეთ ყურ დაგდებული.

**ბახეში** დავიწყებ სიმღერას,  
(არ მითქვამს დიდი ხანია).  
ძვირი არ მეთქმის, რადგანაც  
სოფელი ძალიანია.

საქველმოქმედო საქმეში  
პირველ-ხარისხოვანია.

გაუწყევ ისევ გაღმისკენ  
ბევრი არ დამგვიანია,  
სიმღერ-სიმღერით წავედი  
არვინ არ წამიტანია.  
სოფელ ოქროს-ქელს მივადექ  
დამქირდა თარჯიმანია.  
შევჩერდი, თუმცა არ მქონდა,  
ღრო თავის შესაფხანია.

ჩამოვჯექ იმა ალაგას,  
სადაც სდგამენ ახალ უკოლას!  
ვაი დედავ! რას შევესწარ  
აქ შეტევას და მკაცრ ბრძოლას!

ხელში სტვირი მოვიმარჯვე  
შევუდექი მათ შემკობას!..

— დიმიტრი და იაგორავ!..

ჰა მოველი... მოსიმღერე  
და რაც გითხრა, ან გიმღერო,  
ყური მიგდე, დამიჯერე.  
ეშმაკს რისთვის აპყლოიხარ!..  
სჯობს პირჯვარი გადიწერე.  
რაც ამდენხანს „იშვიკრიკე“  
აწ იკმარე, დაიჯერე.

კიდევ ვკითხე რისთვის მოგლით  
სისაძაგლე, საქმე ავი,  
ნუ თუ ველარ ვაარჩიეთ  
თეთრი რაა! და ან შავი?!

თურმე ენას ფუჭეთ ვლალავ,  
ვინ არს მათი დამთრგუნავი  
და ან რამეს შემასმენი  
მათი გულის მომღალავი.  
თურმე იმათ გულში უზის  
ეშმაკი და უხილავი.  
და მათთან მოლაპარაკეს  
სდომებია როკის თავი.

მოვშორდი გულ დაწყვეტილი,  
ილარიონს ვეახელი

ორი სიტყვა რო მოვასწარ  
შემოიღვა თავზედ ხელი.

ვკითხე: აღარ დაიღია  
შენი მოსატყუებელი?

„ჩონა“ „ჩექმის“ გამოცვლისთვის  
საქმე რად ქენ საძაგელი


ზოგს თუმანს სთხოვ, ზოგს ხუთ მანეთს,  
გაატყავე მთლად სოფელი.

გვიან მიხვდენ რომ მოსტყუვდენ,  
სკოლის საქმის მომნდობელი.

დღეს გიმზერენ შურის თვლით,  
გარეშე და მეზობელი.

გეტყვი, ტყავის გაძრობაში,  
ვერ გჯობნია არსენ მღვდელი.  
(თურმე რამდენიც რა უთხრა,  
მისგან პასუხს, ნუ მოელი...)

შხამიანი.





## გურული სცენა.

რაცხა ეშმაკათ წროულს აღრე მაყიდვია ჩემმა კნენინა მაკოიამ აბრეშუმის კაკალი, აღრე გველირსოს ეგება ორი კაპეიკო. აღრე მოგესრო ყოლიფერი, აღრე ქე ვაკეთეთ, ერთი ბობოლიც არ მომკვდარა, ყველამ პარკი გააკეთა, მარა, რაი, ჯერ მაზანდა არ გახსნილა, ჩვენ ვაქრებს გიეხსნა თავის ხაზი, რომ რამე იყოს, მაინც არ იტყვიან ჯერ. დევილუბე კაცი, ჩუუვარდი ხელში. არ მომისვენა უბედურმა მაკოიამ, რავარცხა გავყიდით, გავყიდითო. რას ვიზამდი... ავწიეთ და ჩვეიტანეთ ჩახატაურში და დუუტით მასიკო ცინცაძეს. ჯერ მაზანდა არ არისო და როცა იქნება, მაშინ იმ მაზანდაზე გიანგარიშებო...

დავეთანხმეთ, აბა რა გზაი იყო მეტი, ქე შემიშინა, არ გამოპებლოს მეთქინ... ჩემი მაკოიე დიედრიჯა:—ჩემო მასიკო, თუ მამაშვილობა გწამს, პირველი მაზანდა დაწეული იქნება და როცა ეიწიოს მაზანდა, აწეულზე მიიდე ჩემი საქონელიო... კაიო, უთხრა, და რაცხა პაწაი ფული ქე გამოგვატანა.

ავხაზირდით წყალტუბოს წასავალათ... დარები ქე იყო კარგი... საჯავახომდი ფეხით ჩამოვედით, აბა გზაზე ხომ არ გეიარს ფაიტონი, ისეა მოკენჭილი... მე ქე მინდოდა ფაიტონით წასვლა, მარა მაიკოიამ არ მენდო, ხომ არ გაქანჯალეებულხარ ქკუაზე, თავი ხრამში დასანტროვათ კი არ მინდაო... ავდექით დილას, გავყევით ძირძირ, კორიფაძეების გზით, გვედით ბერძნის წყაროზე, და ვადექით მოკენჭულს და რავარც იქნა ჩუუსართი პოვეზდს... ჩავედით შით და გაუყევით ქუთაისს... რიონის ტანციანზე პერესატკაზე ქე გავგაჩერეს კაი გაყოლე... პაწე ქეც მოგვმივდა... ბუფეტში ვკამოთ რაცხა მეთქინ, ვუთხარი მაკოიას, მარა, მითხრა, ბეჩა მაქანე ერთი ლუკმა ახლა მანათი ეღირებაო. ქე მაჯობა ქკუით. დარეკეს ზვანოკი და ჩავედით პოვეზში ჩავედით ქუთაისში... მივედით გოგია ჩხაიძესან... ააშენა ღმერთმა, ქე არის კარგათ მოწყობილი, მარა ერთი კი არ მომწონს, რესტორაციის დახვეტა-დასუფთავებაში ნემეტარ ვაკომონიას იქერს. მე მაინც მისი სტუმარი ვარ, რაც უნდა იყოს, ჩვენებური კაცია... ვკამეთ სადილი და მერე ჩემ კნენინას ლომერში მუუსვენე, კაი მო-

ძვალბილღებელი იყო, არ ქონდა გნაცის თავი ისე იყო დაღალული, მგონი წყალტუბოს წყალმა კი არა, უკვდავების აბანომ ვერ უშველოს... დაწევი აქანე, წეიძინე მეთქინ და დილას, წევიდეთ წყალტუბოზე მეთქინ. ბეჩა მეც ქე მინდა საცხა გვეიარგამევიარო ამ გოროდშიო... ვაიზე, ვიფიქრე, თუ ამან ახლა გამომეკიდა კულში, იმისანა, იმისანებს დუუნახავს ქალებს, რომ მერე ჩემი სიცოცხლე აღარ ეღირება მეთქინ.

— არა ბეჩა, ახლა კილამ რომ იარო, გრამატიზმის ქარები ისე გაგიმიზუნებს, რომ მოგკლავს მეთქინ. ქე დამიჯბრა. რავარც წეიძინა და ვცოცხე ბულვარდისკენ, იმ დღეს მასწავლებლების სასარგებლოთ გულიანიე ყოფილიყო ბაღში. შეღამებული იყო, მარა ისე იყო, განათებული ყოლიფერი რომ შუადღე გეგონებოდა... ხალხი ნელნელა მიდიოდა ბულვარში. ვიკითხე, ბილეთი რა ღირს მეთქინ... მითხრეს, ბილეთი ექვსი შაური ღირსო. ვიფიქრე, ექვსი შაური რა უნდა იყოს, იგიც საწყალი მასწავლებლების სასარგებლოთ ყოფილა მეთქინ. ვიყიდე, მარა შით ჩასვლა უცებ მაინც ვერ გავბედე, ასეა ხამი კაცის საქმე, ყოლიფერის ეშინია. ერთი ხუთ ექვსჯერ გარედამიდან შამოლარე ბულვარდს კრუგამ, ვატან თვალყურს თუ რანაირ პრავილაზე უნდა გულიანიე ბაღში, რომ არ შემცდეს მეთქინ. ვეფერი ვერ მივხვდი მაინც ისე ირევოდა ხალხი ერთმანეთში ჯინქველებსავით. მერე ერთ კაცს ვკითხე

— ამ ბილეთით სათ დამაქენენ ბულვარდში მეთქინ.

— სადაც გინდა, იქინე დაჯდებიო, მარა ახლა დასაჯდომს ნუ ეძებ, ფეხზე დასადგომს თუ კი იშოვნო.

— თქვენ რეიზა არ ჩაბძანდით ბატონო შით?

— შით ქე ჩავალ მარა, ერთა სამი მანეთის მეტი არ მიქყავა ჯიბაში და იგი რას მიზამსო.

— რავა, ბილეთი ექვსი შაურის მეტი ხომ არა ღირს?

— კი, მარა ბილეთი მარტო რა არის, სხვაიც უნდა იყიდო რამე, რომ არ იყიდო, ძალათ გაყიდვიებენ. აი, უყურე აქიდან, რაღა გინდა შით.

ქე დუუჯერე. მივხვდე ჩემ ნაცნობ კაცს უკან და ვუტრიალებ ბულვარდს. ნენა, ნენა, რაფერ გამაკვირა, რაფერ გადამრია ამ მოდნი კაბებმა, შლაპებმა და პოლსაპოჩებმა. ქვეყანა იქცევა და აგე-



ნიზა აღდგომა ყოფილა აგი ვაინი. ნათქვამია, ერთი მოდა ყოლიკაცს მუჟაო. ერთი პოლსაპოჩი ეცვა ერთ ციცას, აბნეული, ჩაბნეული, ახლართული, გადახლართული, ვიფიქრე, რაც უნდა დამემართოს, ამას კი ვუყიდი ჩემს გოგოს ხვარამზიას და ჩუუტან სახლში მეთქინ... ვკითხე ჩემს ნაცნობს, იმ ციცას რომ აცვია, რა ეღირება იგი მეთქინ...—რა ეღირება და სამი თუმანიო. ენა არ ამომიღია...

მოხუცებული კაცი კი ვარ, მარა ასე იყვენ გამცწყობილი ქუთაისის ბარიშნები, რომ გული ამიბლაზურდა. ყოლიფერი უჩანდენ გარდამიდან. მხრები შიშველი, გულმკერდი შიშველი, კაბა ბადესავით. ვიფიქრე, ვისეირნებ, რაც იქნეს და იქნეს, ჩავალ ბალში, ვინმეს გვევხნაკომები ბარიშნას მეთქი, ვათვალიერე, მარა ერთი სლაბოდნი ბარიშნა ვერ დავინახე, თითო ციცას ხუთი პრაპორჩიკი დასდევდა... ვკითხე ერთ კაცს, თუ კაცი ხარ მითხარი, ამდენი პრაპორჩიკები რომ არის აქ ქუთაისში, ქალიშვილებს ვაინს ხომ არ უცხადებენ მეთქინ... ქალიშვილებს კი არა, ქალიშვილებმა გამოუცხადა მაგენს ვაინიო... რავე მეთქი, ვკითხე.—რავეა და, თითოელს რომ ასე და ორასი მანათის ტანისამოსი აცვია, პრაპორჩიკების წყალობაა.

ვუტრიალებ და ვუტრიალებ ბულვარს კარგომ. გვეხედე, მოცვინდენ ციცებები ერთ კაცთან, მიარტყვს რაცხა ქახალდი გულზე და კაი ტლიკვი მანათიანი გადააშვლექვის. ბიჭო, გადაიჩინილვარ კაცი, ვფიქრობ გუნებაში, ახლა რომ იქ ვყოფილივავი, მეც ქე არ მომარტობდენ რაცხას გულზე და ქე ვჭამდი სირცხვილს. გვეხედე ეგერ, და ერთი შუა ხნის ქალი კვილ წივილით მივარდა ერთ ციცასთან და შეკვილა:

— შეილო, ვალენტიანა, ვინ გამოგქრა კისერიო.— მიცვინდა ხალხი, დედამისი მოხვევია ციცას და უსობს კისერში ხელს. გაშეშდა საწყალი ციცაი, მერე შესკტა ყველას სიცალი; გავკვირდი, რა იმბავია ნეტაი მეთქინ.— მერე გვეიგე, თურმე ციცას წითელი ლენტი ქონდა მოდნათ კისერზე შამობმული კრუგომ, ლენტი მოსაქცევი ყოფილიყო, იმდენი ერბინა საწყალ ციცას, რომ ოფლი წყალსავით მოდიოდა, ოფლმა წითელი ლენტი დააღბო და წითლათ შუუღდება კისერი, დედამისს აგი თურმე სახლი ეგონა... აი, რომ გვეიგე ბევრი ვიცინე მეც. გვეხედე მეორე კედრით და ერთ ბარიშნას ბრეწოულის ყვაილსავით წითელი ტუჩები

აქ, სწორეთ შემეხარბა, ვუყურებ, თვალებს არ ვაშორებ, აგერ მივიდა ლიმონათი დალია, მეიშორა ქიქა პირზე თუ არა, რაცხა სისხლსავით გადმიედვარა ჩარბზნ, შემეცოდვა საწყალი, ვიფიქრე, რეიზა გუუსკტა ჩარბი, სისხლი, რომ გამოდინდა მეთქინ. თურმე გუუსკტს კი არა, შედღებილი ქონია ქიშფერთ ჩარბი და წყალი რომ დალია, ქე ჩამეიტანა საღებავი. შემეზარა მერე მისი შეხედვა. აგიც შენი მოდნა, ზოგს კისერში მოდივა სისხლი და ზოგს ტუჩებზე და ზოგს კილომ რა ვიცე სათ. დასწყევლოს ღმერთმა გოროდი, დეილოცა სოფელი... იქინე ამისანას ჯერ ვერ ნახავ, მარა მალე იქინეც ჩამუა ჩვენში და წაახთენნენ ჩვენს ციცებებს. შემიწუხდა გული და გავყვივი ჩხაიძის რესტორანისაკენ ჩემს მაკოიასან.

კილომ კაი, რომ იგი არ მახლდა, თვარა გაღირეოდა... დასწყევლოს ღმერთმა, შეგხვებები ყოველთვის ასეთ ამბავს, რავე მინდა იგი რომ საქვეყნოთ ვილაპარაკო, მარა, ვინცხა ჯანდაბა ლუკაიეს ობოლია თუ რაცხა, იგი რეიზა არ მიეწია მამა მისს, ეშმაკივით ყოველგან გამიჩნდება და ყურობს ყოლიფერს, რასაც ჩემ მაკოიასან ვიტყვი და გამოათარგუმებს გაზეთში. თვარა, რავე მინდა აგი რომ ქვეყანამ გეიგოს... აბა, ახლაც თუ არ დამიწერონ აგი გაზეთში...

ლუკაიეს ობოლი.

## ცხვრის ძაღლები

ორი ძაღლი წაიკიდა:  
 მაღამაზა და გომფარა.  
 ერთმანეთსა უღრინავდენ  
 სხვებს კი დარჩათ ცხვრისა ფარა.  
 ტყავნი სულ მთლად დაახიეს,  
 ქეჩო გავა მძლავრი კბენით,  
 ცხვრებსა კი სხვა შეექცევა...  
 მწყემსი სტირის ცრემლთა დენით.  
 არ გაჩერდენ, გაამრავლეს  
 უთავბოლო ღრენა, ყეფა,  
 ველარ ვუძლებ ამდენ ჩხუბსა  
 ამატკიეს თავის კეფა.  
 ვერ მიმხვდარვარ ამათ ჩხუბსა  
 ნეტავ რა აქვთ გასაყოფი,  
 ნუთუ არ ჩანს სალაფავი  
 საკმარისი და სამყოფი?!



# მოწოდება.

ერთხელ ვკითხე მტირალ მწყემსსა  
 მათი ჩხუბის საბუთები;  
 მიპასუხა: ამათ ჩხუბსა  
 შეადგენენ ა, ის მთები.

ერთსაც უნდა, მეორესაც  
 მთას საკუთრად პატრონობდეს,  
 საქმეს ისრე განაგებდეს  
 თავის ჭკუით ვითა სჯობდეს.

მხოლოდ იმას არ ფიქრობენ  
 ეგ ტვინ თხელა სულელები,  
 რომ იმა მთას პატრონობენ  
 უფრო მძლავრი ცხოველები.

ახლა ცხვრებზე კამათობენ,  
 თავთავისად ჩემულობენ.  
 ერთ ბანაკში ვერ მოთავსდენ  
 თეთრსა და შავს შუა ჰყოფენ.

— შავი ცხვარი მე მეკუთვინის.  
 ყფით ამბობს ეს გომფარა.  
 შენ ხვედრებმა მოგვატყუეს  
 თეთრი ტყავი გადიფარა.

მალამაზა უპასუხებს  
 —შენც ხომა ხარ თეთრ ტყავაო  
 ჩვენ რომ მაგას გამოვუღდეთ  
 იცი საქმე სად წავაო.

რა მიაბო მწყემსმა ესრე,  
 მე მათრახნი მოვუღერე,  
 ამ ქვეყნისა დამლუპველებს  
 ბეჭებ შუვა დავაკერე.

თან შევძახე: წალით მთებში  
 თქვენი იყოს ორივესი  
 ცხვართ მიეცით მოსვენება,  
 არ გოდებდეს თქვენგან მწყემსი.

გამოვბრუნდი, მხოლოდ უცბათ  
 გზაში რაღაც გამახსენდა:  
 იმ მათრახთან თავზედ ლაფის  
 გადავლებაც არ აწყენდა.

ან. განჯისკარელი.

ქართველმა საზოგადოებამ ჩინებულათ იცის,  
 თუ რა ჯოჯოხეთურ პირობებშია ჩაყენებული ჩვენ  
 ნი სკოლა. ქართველი ბავშვი იძულებულია ის-  
 წავლოს: საღმრთო რჯული, ქართული, რუსული,  
 ლათინური, ფრანგული და ნემეცური ენები, ანგა-  
 რიში, გეოგრაფია, გეომეტრია, ალგებრა და სხვა  
 მრავალი. ყოველივე ეს ბავშვის აგებულებისათვის  
 ერთობ მძიმე ტვირთა და ტვირთ-მძიმეს სად  
 შეუძლია სიჩაუქე და ნავარდი. ის იძულებულია  
 ნელის, მტკიცე ნაბიჯით იაროს.

მთავრობამ კი განსაზღვრა მანძილი, რომე-  
 ლიც მოწაფემ ერთ წელიწადს უნდა გაიაროს.  
 ვინც ამ მანძილის ბოლოს ვერ მიადწევს, იგი იძუ-  
 ლებულია ისევ დასაწყისს დაუბრუნდეს. ეს არა  
 ნორმალური მდგომარეობაა და ამიტომ ვითხოვთ,  
 თუ მანძილის (ე. ი. პროგრამის) შემოკლება არ  
 შეიძლება, უთუოდ გადიდებულ იქნას დღეთა  
 რიცხვი წელიწადში 100%. ახლა უბრალო მო-  
 სამსახურებს უმატებენ ასსა და ორას პროცენტებს,  
 ნუ თუ მთელი ერისთვის არ შეიძლება წელიწადს  
 შინ დღე მოემატოს?

იმედია ქართველი საზოგადოება და უმთავ-  
 რესად ქართველი თავად-აზნაურობა მხარს დაუ-  
 ქერს ჩვენს მოთხოვნილებას:

730 დღე წელიწადში!

თფილისის სათავად-აზნაურო გიმნაზია.

P. S. ამ მოთხოვნილების ასრულება თვით  
 თავად-აზნაურობისათვისაც სასარგებლო იქნება,  
 რადგან 730 დღეში მას შეეძლება მოასწროს ჩვენი  
 ანგარიშების ასავალ-დასავალის გაგება.

# მგოსანი და მუზა.

ერთხელ მგოსანსა  
 შემოსწყრა მუზა,  
 გარეთ გავიდა  
 და აიტუზა  
 იქვე კარებთან  
 მრისხანე სახით;  
 ემუქრებოდა  
 სიტყვებით მკვახით.



სახელ. ღუმამ მიიღო კანონ პროექტი კვირაში  
4 დღის მარხულობის შესახებ.  
(ჟურნალ გაზეთებიდან)



ეს. სწორეთ დროზე მოგვისწრო...

ბევრი ევედრა  
მგოსანმა, მარა  
იმისი თხოვნა  
არ შეიწყნარა.

— რა გინდა ძმაო?  
რათ გამიწყერი?  
შუათ ვარ დაგიტმო  
სუყველაფერი,—  
უთხრა ბოლო დროს  
მგოსანმა მუზას,  
თავის სიცოცხლის  
საქეს და ღუზას,—  
ოღონდ მითხარი,  
რას ითხოვ ჩემგან?  
— ქონების ნაწილს,  
როგორც ძმა ძმისგან.

ამ ორმოც წელში  
რაც გვიშრომია,  
აბა, მითხარი,  
მე რა მხდომია?

— კეთილი. მაგრამ  
რა გვაბადია?  
— მპ... შენი ფიქრი  
ჩემთვის ცხადია.  
მისაკუთრო  
გინდა ყოველი...  
ფლიდი ყოფილხარ,  
სისხლის მწოველი!  
— დამშვიდდი, ძმაო,  
ნუ მწამებ ცილსა,  
სიმართლის მდერალს,  
პარნასის შვილსა.



„სახ. დუმამ შიილო კანონ-პროექტი კვირაში  
ოთხი დღის მარხულობის“ შესახებ.  
(ჭურნალ-გაზეთებიდან).



ის. რა გაეწყობა, როგორმე უნდა გაუძლოთ, დღეს მეოთხე დღეა მარხვისა.

რაც მაქვს გაგიყოფ, —  
და თანვე ყველა  
წინ დაულაგა  
თითოთ ნელ-ნელა:  
უფსკერო წაღა,  
ძველი ხალათი  
და ცალიერი  
პურის კალათი.  
— ჩვენი ქონება  
არის სულ ესა, —  
უთხრა და მწარეთ  
ამოიკვნესა.  
— სხვა არაფერი  
შეგვიძენია,  
ტყვილათ დავშრიტეთ  
გრძნობის გენია?!

— კი, როგორ არა:  
გვირგვინი, ტაში.  
— ეგ ჩვენ რათ გვინდა,  
გვარგია რაში?!  
უპ, რა კარგია,  
როდესაც გშია,  
ტაშსა გიკრავენ  
და განგაშია!..  
რას იზამ? მწერლის  
ბედი და ჯილდო  
სულ ეს ყოფილა...  
მეც უნდა ვზიდო!  
სთქვა და მგოსანს კვლავ  
მოხვია ხელი  
და შერიგების  
კოცნა, გულწრფელი,



ისევ გაისმა  
არე მარეში,  
ვიდრე არ ჩაწვენი  
ცივ სამარეში,  
არ დაუგლიათ  
ქნარი წკრიალა,  
თუმც შესვეს ბევრი  
მწარე ფილა.

ვ. რუხაძე.

## ცუდი ბავშვის ისტორია.

მარკ ტვენი.

სცხოვრობდა ერთი ცუდი ბავშვი, სახელათ ჯიმი. მართალია, თუ დაუკვირდებით ადვილათ მიხვდებით, რომ ცუდ ბავშვებს ყოველთვის ჯემს ეძახიან ზნეობრივ შინაარსის წიგნებში და საკვირველია ამას ჯიმი რატომ ერქვა, მაგრამ ეს სწორეთ ასე იყო.

წარმოიდგინეთ, არც ავათმყოფი დედა ჰყოლია მას, კეთილ მორწმუნე ავადმყოფი დედა, რომელიც ქლექისაგან იტანჯება და დიდის სიამოვნებით განისვენებს საუკუნო განსვენებით, თუ რომ თავისი ბიჭიკო არ უყვარდეს და არ ეშინოდეს

სიკვდილის შემდეგ ბავშვის გასაჭირისა. ცუდი ბავშვების უმეტესობას, ზნეობრივ შინაარსის წიგნებში, ყოველთვის ავათმყოფი დედა ყავთ, რომელიც გულკეთილად ასწავლის მათ: „უფალო და მეუფეო...“, შემდეგ ფრონით არწევს, ნაზ ნანას უმღერის, დააძინებს, სიყვარულით აკოცებს და მისი საწოლის წინაშე მუხლ-მოდრეკილი მხურვალე ლოცვას აღავლენს და ცხარე ცრემლით სტირის. ამ ბიჭის საქმე სულ სხვანაირათ იყო. ჯერ ერთი მას ჯიმს ეძახდენ, ამასთანავე დედა მისს არც ქლექი სჭირდა, არც სხვა რამ მაგვარი. პირიქით ის ღონიერი, ჯანმრთელი დედაკაცი იყო და კეთილმორწმუნეობისაც ბევრი არაფერი გააჩნდა. იგი სრულიად არა ზრუნავდა ჯიმის ავ-კარგის შესახებ. ის ამბობდა: ჯიმი კისერიც რომ მოიტეხოს, ამით ქვეყანას დიდი არაფერი დააკლდებაო. დაძინების დროს იგი ჯიმს ხანდისხან კიდევაც წაუტყუაბუნებდა თავში, მაგრამ არას დროს მას სიყვარულით არ ჩაჰკონებია.

ერთხელ, ამ საძაგელმა მავშმა საკუქნაოს გასაღები მოიპარა, შეძვრა შიგ, თითქმის სანახევროთ ამოსჭამა ქილიდან მურაბა და \*რომ დანაკლისი არ შეემჩნიათ ქილა კუპრით შეავსო. მაგრამ, წარმოიდგინეთ, ის არ შეუპყრია მოულოდნელი შიშის გრძობას და იღუმალ ხმას არ ჩაუძახნია მისთვის: განა კარგია დედას რო არ უჯერი? განა ცოდვა არ არის ქურდობა, ხომ ჯოჯოხეთში ჩაცვივიან შეუსმენელი ბავშვები, რომლებიც საყვარელ დედას მურაბას ჰპარავენ და ნთქავენ?“. ჯიმი არც მუხლებზე დაცემულა ამის შემდეგ და არც აღთქმა დაუდგია, რომ გასწორდებოდა, არც წამომდგარა მხიარული და არც წასულა დედასთან დანაშაულობის გასამხელად, თუ ცოდვათა მოსანანიებლათ. არც დედას დაულოცავს იგი სიამაყისა და გულკეთილობის ცრემლთა მფრქვეველს. არა. ასე ხდება ყველა სხვა ცუდ ბავშვთა ცხოვრებაში, რომელთა შესახებ სწერენ ზნეობრივ შინაარსის წიგნებში. ჩვენს ნაცნობ ჯიმს, ახირებული საქმე კია, სულ სხვანაირად დაემართა. იმან შესჭამა მურაბა და წარმოსთქვა: „ჩინებულაია!“. დაასხა კუპრი და კვლავ იგი სიტყვა გაიმეორა, გულიანად გადინარხარა და დასძინა: დედაბერი როცა გამიგებს, უთუოდ ყბებს მომიგრებს ცემით. როცა დედამ ქილა ნახა, ჯიმი ცივ უარზე იდგა. სასტიკად მიბეგვეს და გულსაკლავადაც იღრიალა. ყველაფერი ამ ბავშვის ცხოვრებაში თითქო უკულმა ხდებოდა, სრულიად ისე არ გამოდიოდა, როგორც ცუდი ჯემსების შესახებ ზნეობრივ შინაარსის წიგნებში სწერია.

ერთხელ უხვირო ჯიმი მემამულე აკორნას ბაღში შეიპარა და ვაშლზე აცოცდა, მაგრამ ტოტი არ მოსტეხია, ძირს არ ჩამოვარდნილა და ხელი არ უღრძვია. არც მებაღის უზარმაზარ მურაძალღს დაუღრღნია, არც რამოდენიმე კვირით ლოგინში წაოლილა, არც სინანული განუტყუა და არც კეთილ ბავშვად ქცეულა. მან დაჰკლიჯა რამდენი ვაშლიც უნდოდა, მშვიდობიანად ჩამოსრიალდა ხიდან და ჩინებულათაც მოიგერია ფერმერის ძაღლი, რომელსაც აგურის ნატეხით შიგ მუბოში გაუმასპინძლდა. პირდაპირ გასაოცარი მოვლენაა. არაფერი ამის მაგვარი არ ხდება იმ პატარა მშვენიერ ყდიან და სურათებიან სასიამოვნო წიგნაკებში, რომლებშიც ზნეობრივ შინაარსის ამბები იწერება.



ერთხელ საძაგელმა ჯიშმა მასწავლებელს ჯიშის დანა მოჰპარა და შეშინებულმა, რომ მას უპენიან და სცემენ ქურდობისათვის, დანა ჯორჯ უილსონის ქულში დამალა, იმ ჯორჯ უილსონის, რომელიც სამაგალითო ხასიათის ბავშვად ითვლებოდა მთელ სოფელში, რომელიც ყოველთვის უჯეროდა დედის დარიგებას, არასოდეს არა სცრუობდა, გულმოდგინეთ იხეზირებდა გაკვეთილებს და ხალისით დადიოდა საკვირაო სკოლაში. როცა მოპარული დანა ჯორჯ უილსონის ქუდიდან გამოვარდა, როცა ის თავჩადუნული დამნაშავესავით გაწითლდა, როცა გაშტერებულმა მასწავლებელმა შოლტი აღმართა ბავშვის მთრთოლვარე მხრებზე დასაკრავათ, არსად გამოჩენილა ქალარით შემოსილი მოხუცი მსაჯული, მედიდურათ არ ჩამდგარა მოსწავლესა და მასწავლებელს შუა და არ წარმოუთქვამს: „ხელი არ ახლოთ ამ კეთილშობილ ბავშს! აი იქა სდგას საზიზლარი ბოროტების ჩამდენი. მე სკოლის წინ მომიხდა გავლა დასვენების დროს და შევნიშნე, როგორ მოხდა ქურდობა“. ყოველივე ამის შემდეგ ჯიშმა არ გაღმობლავთ და და პატივცემულ მსაჯულს არ წაუკითხავს ცრემლმორაყელ მსმენელთა წინაშე გრძნობიერი დარიგება, არ მოუხშია თავისთან კეთილი ჯორჯი, არ უთქვამს, რომ ასეთი ბავშვი ღირსია უდიდესი ჯილდოსი, არ წაუყვანია თავისს ოჯახში, რომ ესუფთავებია მსაჯულის ოთახები და ეხურებია ბუხრები. არა. ასე მოხდებოდა ზნეობრივ შინაარსის წიგნაკებში, მაგრამ ჯიშის ცხოვრებაში ხომ ყველაფერი უკუღმა ხდებოდა. არავითარი ბებერი მსაჯული იქ არ გამოჩენილა და სამაგალითო ბავშვს ჯორჯ უილსონს საკმაოდ უცხუნეს, ხოლო საძაგელი ჯიში უცქეროდა და იცინოდა, იცით რატომ, იმიტომ რომ ჯიშს საშინლად ეჯავრებოდა „სამაგალითო“ და ზნეობრივი ბავშვები. ის ამბობდა: „მძაგს ეგ წვიტლიანებიო“. ასე უხეშად ლაპარაკობდა ეს საძაგელი, უზრდელი ბავშვი.

ყველაზე გასაოცარი ის იყო, რომ საძაგელი ჯიში კვირა დღეობით ნავეც კურაობდა და ერთხელაც არ დამხრჩვალა. არასოდეს არ დასცემია მეხი, როცა ქარიშხალს მოუსწვრია უქმე დღეობით თევზაობის დროს. ამავე დროს გადასინჯეთ, რომელიც გინდათ ზნეობრივ შინაარსის წიგნაკი, ათვალთვრეთ თითოეული მათგანი თუნდ მომავალ შობის დღესასწაულამდე, ვერსად ვერაფერ ამის

მაგვარს ვერ შეხედებით. თქვენ იქ წაიკითხავთ, რომ ყველა ბავშვები, რომლებიც უქმე დღეობით ნავით ცურაობენ უთუოდ იხრჩობიან, ყველა ურიგო ბავშვები, რომლებსაც უქმე დღით თევზაობის დროს ქარიშხალი მოუსწვრებს, მეხისაგან კვდებიან. როგორ გადარჩა ყველა ამას ეგ საძაგელი ჯიში ჩემთვის დღესაც საიდუმლოებას შეადგენს.

ეს ჯიში, სწორეთ რაღაც განსაკუთრებულ ბედნიერ ვარსკვლავზე იყო დაბადებული. თითქმის ყველა დანაშაულობათაგან უვნებლათ გამოდიოდა. ერთხელ მთელი პაჩკა თამბაქო შეაპარა სპილოს, მაგრამ წარმოდგინეთ, გაცოფებულ ცხოველს მისთვის ხორთუმით თავი არ მოუგლეჯია. ჯიშმა სახლიდან ჩუმათ გააპარა მამის თოფი, მთელი დღე ინადირა, მაგრამ არც ერთი თითი არ წაუწყვეტია. ერთხელ საშინლად დაჰკრა მუშტი საფეთქელში თავისს დას, მაგრამ ის არ მომკვდარა მძიმე ტანჯვათა შემდეგ ერთ მშვენიერ ზაფხულის დილას პატიების ტკბილი სიტყვებით ბაგეებზე, რომელმაც დასტანჯა ჯიშის გული: არა. დასასრულ ის გაიქცა თავისს სახლიდან და მებღვაური გახდა, მაგრამ სამშობლოში დაბრუნების შემდეგ თავი ობლათ და მწუხარეთ არ უგრძნია, როცა ყველა ახლობელი სასაფლაოს წილში იხილა და ვაზით დაბურული სახლი ნახევრად ჩამოგრებული. არა, არა! ის სამშობლოში მთვრალი დაბრუნდა და პირველადვე სატუსალოში ამოჰყო თავი.

ის დავაჟეცდა, ცოლი შეირთო, მრავალი შვილის მამა შეიქნა და ყველას ცულით თავები დაუქექა. გამდიდრდა ათასგვარ ურიგო საშვალეობით და ის ახლა უსაზიზლრესი პიროვნებაა თავის სამშობლო სოფელში, სადაც სარგებლობს უდიდესი პატივისცემით და ითვლება საკანონმდებლო კორპუსის წევრათ.

როგორც ხედავთ, არც ერთ ზნეობრივ შინაარსის წიგნებში აწერილს უხეირო ჯემსს ისე არ გაჰლიმებია ბედი, როგორც ამ საძაგელ ჯიშს.

წურბელა.





## მე ვინა ვარ?

(გაფიქრებული)

— მე ვინა ვარ და ერთი ყველაზე უდიდესი და ყველაზე უმცირესი სულიერი არსება.

— რას იცინი? თუ ვერ მიცან, ყური მიგდე და მოგიხრობ ჩემს ვინაობას.

— რომ ამბობენ, მთელი დედამიწისა და მასზე მცხოვრებლების კეთილ-დღეობა დამოკიდებულია დიდ გველვეშაპზე, რომლის ზურგზედაც დედამიწია აღმართული, სულ ცრუ რწმენაა, ის გველ-ვეშაპი არ არის ის მე ვარ და მთელი ქვეყანაც ჩემი საკუთარი ტვირთია...

— ჰმ... რას იცინი? ვერ მიცანი?!

ყური მიგდე და გაპკვირდი, თვალი გადაავლე დედამიწის ზურგს და დაინახე, რამდენი ქალაქები და ზღვაზე გემები არიან; შეიხედე იმ უზარმაზარ შენობებში, რა ძვირფასი ნივთები და მორთულობაა; გადახედე ამ ქალაქების ურიცხვ გასართობებს; ყური დაუგდე, საცეკვავეს მუსიკის ხმას, დააკვირდი ძვირფასეულებით მორთულ, აუარებელ მოტოციკლებს, შეხედე ქალების ფერ-პულდრ-პომადა-კრემით შეკეკლულებს და სურნელოვან წყლებით ნაპკურებ თავ-პირ-ყელ-გულს; ეხლა დააკვირდი, როგორ ლაღობენ და მეტი სიამოვნებით დამთვრალნი დაფაფატებენ გადაქარბებულ სიყვარულის აღში; გადახედე საქალაქო და საგარეო ბაღებს, როგორ მძიმედ დატვირთულა ტბილი ღიმით მოკული ხალხით; ყური დაუგდე სახელმწიფოებრივ ომის ქეჩა-ქუხილს, სისხლის ნიაღვარს და დღიური მილიონების ფლანგვას.

— აი, ჩემო ხელმწიფევ, ყველა ეს ზემოთ ჩამოთვლილი ჩემი შექმნილი და ჩემი საკუთარი ხარჯია.

შენ კიდევ არა გჯერა!

აი შეხედე, იმ ჩასუქებულ ქალსა და კაცს, როგორ ზიზღით, ამპარტავნულად სტუქსავენ იმ საბრალო კაცს და ვინ არის ამ ბატონების სიკეკლუცე და ამპარტავნული სიამაყე თუ არა მე?

— რას იცინი, მგონა ვერც ეხლა მიცანი?!

მაშ კიდევ გეტყვი: მე ვარ დედამიწის გულში მძრომი და მალლა მავალი, ზღვის უფსკრულში მადიებელი და მალლა მსურავი, დღის ბნელი არსი და ღამის მნათობი...

— რას იცინი? ჩემო გონიერო მოსამსახურე და შორს მქვრეტელო ადამიანო? ნუ თუ ეხლაც ვერ მიცანი? გაიცინე! ეჰ... საბრალო ჩემო თავო, შენც ეს სასაცილო გატირებს!..

დაფლეთილი, გულ-მოდღეტილი, ქუქყიანი, პირისახე დაღარული, ფეხებ დაწყულულ-დაკორძებული შრომის ოფლით აყროლებული, რა საცნობია, რა სამშობია, ან რა ბუზია!..

კლიტე.

## ხონელი „ფუტურისტები“.

როცა ხონელ კაცს ანგარიშებში, თავის უძირო და ვრცელ ჯიბეში, სიმცირე გროშის შეეპარება და შით დარდები შეეჯარება, დაუწყებს ძებნას შეცდომებს თვისას, ვადმოაბრუნებს საფულე ქისას, აქეჩ-დაქეჩავს ძველსა ნაცარსა და გამონხავს ეგრე ქანქარსა.

თქმულება ესე ძველის ძველია, იქვის შეტანა რაშიც ძნელია, და თუ მომისმენ, ძმაო ეშმაკო, გიამბობ ეხლა ამათსა ამბავს, რაც ძველსა ზღაპრებს მეტად წაგავს:

მატრაპაზების დაბა-ქალაქში პაოლოს რაში გამრავლებულა, ხურუშიანთა ფუტურისტობა, ხონის „ქალებშიც“ გავრცელებულა.

ბევრჯერ მსმენია აქაურ ქალთა სილამაზისა ქება დიდება;

ყველა ამბობდა: „ხონელის სიძე მოულოდნელათ ფულით მდიდრდება“.

განა არ მახსოვს გიგოს და ბესოს ქალთა ქორწილი სადიდებელი, როცა შეინძრენ ჩარჩნი ვაქარნი ფული დარიგდა სამდიდრებელი?.. მაგრამ გაფრინდა დრო სანეტარო სასიძოვები გამოილია,

გასათხოვარი ყველა მოხუცდა, რამეთუ იგიც დროთა შვილია.

მაგრამ ხონელი რის ხონელია,

თუ ვერ იშოვა გამოსავალი

და გაქვირებას, კარზე მომდგარსა,



დროზე არ დასდვა ღირსი წამალი?  
 და ამა ესე ორმოცი წლობით,  
 უქმროდ შთენილნი დღე, დარაზმულან  
 და აღჭურვილნი ყოფილის ეშხით  
 კვლავ გისათხოვრათ ამზადებულან!  
 და თუ ახერხეს ქმრების წართმევა,  
 იერიშებით მავლიან ყველგან,  
 აღარ ითხოვენ ნებართვას შენგან.  
 გამოაცლიან ოჯახს მამასა,  
 და მიჰქრის ეტლი იმავე წამასა.  
 ქეთო, მაშკო, პატარა კატო,  
 როდი არიან ამ ჯგუფში მარტო...  
 ჩამოთვლით ბევრი ჩამოითვლება,  
 მაგრამ ჩამოთვლა მეტი იქნება.  
 მხოლოდ სიმონი, ჩვენი მსაჯული,  
 ახალი ჯგუფის სული და გული,  
 ვინ დაივიწყოს, არ მოიგონოს,  
 როცა ქალები, უქმროდ ნაკრები  
 გაუთხოვრობით დანაჩაგრები,  
 მას შეყურებენ ოცნების თვალით  
 და სიყვარულის ძლიერი ალით  
 გაუხსნეს გული, წარსტაცეს სული,  
 და მიჯნურთ შორის ერთი პირველი,  
 რომელს ეწოდოს „ლაშაზი“ ქეთო,  
 სიმონ ივანიჩს უნდა შეერთო.

მარა ოცნებას გატაცებულთა  
 წინ გადაუდგა მეუღლე ქმრისა,  
 ქეთოს ბაზარში სილა გააწნა  
 დღე გაუთენა მწუხარებისა.

სკანდალსა პირველს მეორე მოჰყვა,  
 აღარ გათავდა რომანი გრძელი  
 და ერთ საღამოს, კლუბის დარბაზში,  
 კვლავ გადმოგორდა ქიშპობა ძველი.  
 ქეთო, მაშკო, პატარა კატო,  
 სხვებიც მრავალი ხონში ცნობილი  
 ვის მაქანკლობა დასჩემებია  
 და თანა ახლავს როგორც აჩრდილი,  
 სიცილ ხარხარით შეხედენ ამ ამბავს...  
 კლუბში გამართეს ღამის ორგია,  
 ქეიფს და ლხენას ჩვეულებრივით  
 მოჰყვა ცბიერი დემაგოგია.  
 მათი გვარებით თავს არ მოგაწყვენ,  
 სურათებს ვეძებ, დავებეტები,  
 და თუ შემიტყვეს ჩემი განზრახვა  
 მოიმართმბა მარჯვეთ კეტები.

ეს მაგალითი ერთი არ არის,  
 ის ვაჟართ შორის გავრცელებულია  
 და ოჯახური ურთიერთობა  
 მსგავსათ ბევრგანა გამწვავებულია.

ნაქები არის ხონი ხრიკებით,  
 დარწმუნებული რაშიც იქნებით,  
 მარა ასეთ ხერხს ვინ მოიგონებს,  
 და ჩამორჩენილ უქმრო „გოგონებს“  
 ჩამოურიგებს ცოლიან კაცებს,  
 სამსახურით და ფულებით ნაქებს  
 და ამა რიგათ, ხერხით ნაცადით  
 თვით ისარგებლეს სხვისი ნაწაღდით.

განა კი ღირდა ამაზე წერა,  
 გრძელი შაირით გრძელ-გრძელი მღერა?...  
 მარა, ეშმაკო, ჩემო ძმობილო,  
 ამა ხალხისგან მარად გმობილო,  
 თუ ეს დავტოვებ შეუმჩნეველი,  
 მაშინ ეს სენი დაუძღვევი,  
 მყის მოედება ახალგაზრდობას,  
 გაიდგამს ფესვებს, მოიხვეჭს ნდობას  
 და ფუტურისტთა გრძნობის ხორუში,  
 მოუხეშავი, ტლანქი და მრუში,  
 ჩასწვდება სულში მოზარდ თაობას  
 და მით შეაჩვევს ზნეთა აგობას.

მიპლიფონცქი.

## ასფალტის ამბორი.

და მე ქეთოს ნახვა მინდოდა...  
 ლამაზ ქეთოს ნახვა...

მატარებელს გაჩერება არც კი დავაცალე, ბა-  
 ქანზე გადმოვხტი, რის შემდეგაც იყო ჩემი წაბორ-  
 ძიკება და „ასფალტის“ ამბორი მამაცად წამოვხ-  
 ტი სრულებით არ შევიმჩნიე გავეშურე იქით, სა-  
 დაც ქეთო მეგულეობდა, მაგრამ ვილაც ნაცნობმა  
 შემეჩერა და ფეხი არ მომაცვლევიანა ვიდრე დაწვ-  
 რილებით არ გაიგო, რომ ჩემი დედ-მამა, ძმები,  
 დები, მამიდები, დეიდები და სხვანი სრულებით  
 ჯანმრთელათ არიან და მოიკითხეს ის ღიღის სიყ-  
 ვარულით და რის შემდეგაც ვიდრე თვით არ და-  
 მავალა: ღიღის სიყვარულით და ტუჩზე კოცნით  
 მომეკითხა ყველა ზემოხსენებული ჩემი მშობლები  
 და ნათესავები. განვითავისუფლე თავი ამ ტანჯვი-  
 საგან და გავეშურე.



ყოველთვის ასე ხდებოდა ხოლმე: ქეთო იდგა სადგურის დარბაზის ბნელ კუნჭულში, არავის ყურადღებას არ აქცევდა, მისჩერებოდა თვისი ემხიანი თვალებით შემოსასვლელ კარებს და მოუთმენლად ელოდებოდა ჩემს დანახვას.

შევიდოდი თუ არა დარბაზში, წამსვე შევამჩნევდი მას. ქეთო ილიმებოდა. მე ვუახლოვდებოდი, ხელს ვართმევდი მას და... და შემდეგ მივდიოდი ბაღში სასეირნოდ... ძალზე მიყვარდა ქეთო!

ქეთოსაც მეტის-მეტათ ვუყვარდი!

მაგრამ დღეს რაღაც ცუდი ამბავი მომხდარა. ქეთო მის მუდმივ პოზიციაზე აღარ დამხვდა!.. დიდხანს ვიყავ გაშტერებული და შევსცეკროდი ბნელ კუნჭულს. ვინ იცის რამდენმა ერთი ერთმანეთზე უსაშინელესმა აზრებმა გამიელვებს თავში.

„ვინ თუ ქეთოს აღარ ვუყვარვარ! ვინ თუ ქეთო მომიკვდა!“..

გარეთ გამოვედი. საამური ამინდი იდგა! სწორედ იმისთანა მომხიბლავი ამინდი, რომლის ზედგავლენითაც ისედაც პოეტებით სავსე ჩვენს ქვეყანას ხუთმეტრიოდე ახლად გამომცხვარი პოეტი მოემატება! მაგრამ მე კი ვერ გამოქარვა ამან დარღები...

ვეძებე ქეთო, მაგრამ ვერსად ვიპოვე, მისი ბინაც არ ვიცოდი...

ერთი თვის შემდეგ, როდესაც ქეთოს აღვილი ჩემს გულში სხვა მასზე უკეთესმა დაიქირა, შევხვდი მისს ერთ-ერთ მეგობარ ქალს. გამოველაპარაკე. მან მითხრა:

— კაცო, რა იყო რომ ქეთო შეარცხვინე? არ შეიძლებოდა, რომ ცოტა წინ დახედულათ მოქცეულიყავი.

— როგორ?

— ერთ საღამოს თურმე, ქეთო სადგურზე მოველოდებოდა. შენც მოხველ მატარებლით და პირველად ყოვლისა ბაქანზე გაიშლართე! დარბაზიდან ქეთომ ყველაფერი ეს დაინახა და ისე შერცხვა შენი ასეთი მარცხისა, რომ წამსვე სახლში გაიქცა და შენი ხსენება სამუდამოდ აღმოიფხვრა გულიდან...

რაღა მეთქმოდა მე ამ სიტყვების შემდეგ?

არც არაფერი ვსთქვი! მხოლოდ ერთი გულიანად გადვიხარხარე.

ახ, ქეთო, ქედო!..

**გუგული.**

# ახალი სტილი

(1 მასობა 15 მასში)

## I

— გამარცობა ესტატეს?

— გაუმარჯოს ეგნატეს.

— რა დაგემათა, რას იცინი ბიჭო?

— როგორ თუ რა მაინებს, 1 მაისს ნახალოვკაში გამგეობის უგამგეობობით წარმოდგენა გადიელო და ქვეყანა დეიქცა მეგონა, აგერ გვეიხედე წარმოდგენა თურმე რაა, მთავარ სახელოსნოში დღეობა გადაახტუნეს ორი კვირით. ალბათ ახალი სტილის მიხედვით.

— რაფერ, კაცო?

— რაფერ და 1 მაისი მუშათა დღეა; ხატმა არ იკალრა მუშებთან დღესასწაული და პირველი მაისი 15 მაისს გაითენა. ჩვენ კი 1 მაისს მუშაობით ღობეზე გადასაკიდებლათ გაგვხადეს. წამოიერთი ვნახოთ რა ამბავი იქნება.

## II

(მთავარ სახელოსნოში)

— ამოი ზევით ეგნატე პარაოზზე, თვარა მაქედან ვერაფერს დაინახავ. გეიხედე! ეგერ რომ პრაპორჩიკის ტანისამოსში გამოწყობილი კაცი დარბის, იგი აქოური დებოს ნაჩაღნიკია, ახლა გადმეიყვანეს მიხაილოვიდან. ოყო... ოპო რაფერ იკბინება შხამიანი გველივით. ალბათ გულზე სკდება აქაურ მუშებს კასტუმებში რომ ხედავს.

— რავა ტიტველი ხომ არ ივლიან.

— ტიტველი კი არა, იმას უნდა კაკარტებით იყვენ. მიხაილოვის მუშებს რო ტანჯავდა დი სალდათივით სმირნაზე ჩესტით აყენებდა ისთე უნდა აქაც, მარა ამას წინეთ ერთ მუშას ორი ღერი შეშა მიქონდა თურმე, რავაც დეინახა სტაცა ხელი მისცა სალდათს და გაგზავნა ჟანდარმებთან. როცა თითონაც მიბრძანდა იქ, დაუხვდა სალდათი, შეშა და ჟანდრები.

— ალბათ შეშას ჩამოართვა ჩვენება მუშის ვინაობაზე.

— ჩამოართვეს თურმე მარა ისე გაჯიუტდა თითოეული ნაფოტი, რომ ხმა ვერ ამოაღებინეს.



— გააშეშა ჩემმა გამჩენმა! ფული ვერ მისცეს, რომ ენა ამოეღო?

— ფული კაცო ყველაზე როდი მოქმედობს. აი აგერ რომ კაკარდიანი კაცია ის ჩვენ ბილეთებს კვიწებს. ამ წინაზე ტელეგრაფი მივიღე ბავშვი მიკვდებოდა. ვთხოვე ბილეთი და ისიც ისე გაშეშდა, სანამ თხოვნას არწივიანი ქალაღლი არ წავაფარე.

— რას იზამ, ცხოვრება გაძვირდა ძმაო; ეს ვინაა აქ რომ იჩაჩხება ასე საშინლათ?

— ეს იაკინთეა. დღეს ცერემონიებისტრობა მიუღია. უყურე როგორ გაიძახის: „სღეზაიტ“, „ზაღეზაიტ“, „ვიღეზაიტო!“.


— ეს ორი ვაღაა.

— ესენიც ცერემონ მებისტერერები არიან სოფრომი და სვიმეონი.

— კი მარა რისთვის დააწინაურეს ასე უზომოთ?

— მაგენი ყოველთვის მოწინავე იყვენ.

ალი ძამია.



**იქიდანვე.** ცნობილი ინტრიგონე ჩივანაშვილი მძიმე ავად შეიქნა. მიზეზათ ასახელებენ იშვიათ მოვლენას: წინაზე მიუხედავათ მთელი დღე და ღამე ხიღზე დარაჯობისა, ვერც ერთი მუშა ვერ დაუჭირავს, რომ ჩვეულებრივ გამაძლარიყო რედაქციის და მისი თანამშრომლების ლანძღვა გინებით. ფიქრობენ თბილისიდან მის მეგობარ ექიმის — ლაყბაძის გამოწერას. ადგილობრივი ექიმები იოაკიმეს მეთაურობით იმ აზრის არიან, რომ მას მოარჩენს 4 თავი წამალი: კ. ჩხეიძის ყაჩაღათ აღიარება და კატორღაში გაგზავნა, რომ საშუალება მიეცეს ავათმყოფს მისი ადგილის გაჩუქებისა; არტელის მოწინავეების დახოცვა, რომ გაუადვილდეს გულუბრყვალობების მუშათა სოლიდარობაზე მისისიანება; ყველა მუშის ჭკუიდან შეშლა, ვინც „თ“ აზრის“ წინააღმდეგ არ ილაშქრებს და საკუთარ ყოველწუთური გაზეთის დაარსება, რომ რედაქტორობის ენთან ერთათ წერის (ე. ი. ლანძღვა-გინების) წყურვილიც მოიკლას. ავადმყოფის მღვთმარება საშიშია.


ისემცრაგითხრა.

### ღებუშები.

**ჭიათურა.** სპეკულიანტი მ. ლომაძე პროტესტაცხადებს გოგეას წინააღმდეგ, თითქო ის ისეთი გამოუცდელი ვირთხა იყო, რომ პირველი ტომას რა ფქვილის გაყიდვისათანავე გაბმულიყო მახეში. პირიქით, მეორე წელია, რაც ყინულზე ვაცურებ მომხმარებლებსაც და მათ დამცველებსაცო.

**იქიდანვე.** ცნობილი იუმორისტი სესია ლეჟავა უარს ყოფს ხმებს, თითქო ის მუშებს (სასაღდათოებს) ქირას აკლებდეს, ან კიდევ, მათგან ქრთამს ღებულობდეს. სესია ამ ხმებს დასელი მუშების უსწავლელობით ხსნის: „რასაც მე (პროფესიის გამო) ხუმრობით ჩავდივარ, ისინი სერიოზულათ ღებულობენო“.





ჟურნალ-გაზეთების კანტორა

# „განათლება“

ჯერ-ჯერობით აგენტებს გაეგზავნება შემდეგი გაზეთები: „თანამედროვე აზრი“, „ეშმაკის მათრახი“, „თეატრი და ცხოვრება“, ქუთათური „ახალი კვალი“, „კავკასკოე სლოვო“, „თბილისის ლისტოკი“, „ორიზონი“, „მშაქი“ და „ხათაბალა“.

აგენტები ვალდებულია მთელი თვით დაკვეთილი გაზეთების ფასი წინდა-წინ გადაიხადონ. წინააღმდეგ შეუთხვევაში გაზეთები არ გაეგზავნებათ.

ფული და წერილები უნდა გამოიგზავნოს შემდეგი ადრესით: Тифлисъ, почт. ящ. № 96, Сильвестру Р. Таварткиладзе.

კანტორის ადრესი: ოლგინსკაია, №6.